

उ॒तोषो॒ वस्व॑ ई॒शिषे ॥३॥

या॒व॒यद्द्वेष॑सं त्वा चि॒क्वि॒त्वि॒त्सू॒नृता॑वरि ।

प्रति॒ स्तोमै॑रभु॒त्सहि ॥४॥

प्रति॒ भ॒द्रा अ॒ह॒स्त॒ गवा॑ं सर्गा॒ न र॒श्मयः॑ ।

5 ओ॒षा अ॒प्रा उ॒रु ज॒यः ॥५॥

आ॒प॒प्रु॒षी वि॒भाव॑रि॒ व्या॒व॒ज्यो॒ति॒षा तमः॑ ।

उ॒षो अ॒नु स्व॒धाम॑व ॥६॥

आ॒ द्यां त॑नोषि र॒श्मि॒भिरा॒न्तरि॑क्ष॒मुरु॒ प्रिय॑म् ।

उ॒षः श्रु॒क्रेण॑ शो॒चि॒षा ॥७॥

XXXIX. RIGVEDA V. 24.

10 अ॒ग्ने त्वं नो॑ अ॒न्त॑म उ॒त वा॒ता शि॒वो भ॑वा वरु॒थ्यः ॥१॥

वसु॑र॒ग्निर्वसु॑श्च॒वा अ॒च्छा न॑क्षि ह्यु॒म॒त्त॑मं र॒यिं दाः ॥२॥

स नो॑ बो॒धि श्रु॒धी ह॑वमुरु॒था णो॑ अ॒घाय॑तः संम॒स्मात् ॥३॥

तं त्वा शो॑चि॒ष्ठ दी॑दिवः सु॒म्नाय॑ नून॒मीम॑हे सखि॒भ्यः ॥४॥

XL. RIGVEDA V. 40.

स्व॑र्भानो॒रध॒ यदि॑न्द्र मा॒या अ॒वो दि॒वो वर्त॑माना अ॒वाह॑न् ।

15 गू॒ळ॒हं सूर्य॑ तम॒साप॑व॒तेन॒ तुरी॑ये॒ण ब्र॒ह्म॒णावि॑न्द॒द॒त्विः ॥६॥

मा मा॒मिमं॑ तव॒ सन्त॑म॒त्र इ॒र॒स्या दु॒ग्धो भि॒यसा॒ नि गा॑री॒त् ।

त्वं मि॒त्रो अ॒सि स॒त्य॒राधा॑स्तौ मे॒हाव॑तं वरु॒णश्च॒ राजा॑ ॥७॥

ग्रा॒व्णो ब्र॒ह्मा यु॒यु॒जानः॑ संप॒र्यन्की॒रिणा॑ दे॒वान्न॑म॒सोप॑शि॒क्षन् ॥